



PERSBERICHT

Nummer: 125 IH
Datum: 31 augustus 2021

€ 400.000 subsidie beschikbaar voor Fries onderwijs

Alle scholen in Fryslân kunnen vanaf 13 september weer een subsidie aanvragen voor het versterken van het Friestalige onderwijs. Met de regeling Frysk foar no en letter wil de provincie Fryslân scholen ondersteunen bij het versterken van de positie van het Fries. Scholen uit alle onderwijssectoren kunnen een aanvraag doen. Er is o.a. subsidie beschikbaar voor het (bij)scholen van docenten, het aanschaffen van extra lesmateriaal en het vervangen van docenten die een opleiding Fries volgen. De subsidieregeling is onderdeel van het project Taalplan Frysk 2030.

Een aanvraag indienen kan van 13 september 2021 tot en met 14 december 2021. Er is in deze periode € 400.000 voor de scholen beschikbaar. Alle onderwijssectoren komen in aanmerking voor subsidie: kinderopvanglocaties, primair en voortgezet onderwijs, mbo, hbo, wo en speciaal onderwijs. In 2022 gaat de regeling weer twee keer open.

De regeling Frysk foar no en letter geeft scholen de mogelijkheid om te werken aan de kwaliteit van het Fries onderwijs. De regeling is voor deze tweede openstelling op een aantal punten aangepast. Zo is er nu meer ruimte voor scholen om een aanvraag te doen voor inzet van leerkrachten en docenten. Gedeputeerde Sietske Poepjes: *“In protte skoallen binne al goed dwaande mei it Frysk. Us ambysje foar it Frysk yn it ûnderwiis yn 2030 freget ekstra ynset fan dosinten en skoallen. Dêr is no mear romte foar yn de subsydzjeregeling. Skoallen kinne, eventueel yn oerlis mei harren skoalstiper, in plan meitsje om te wurkjen oan de ambysjes foar Taalplan Frysk 2030. De regeling soarget foar ekstra middels om de plannen ek út te fieren.”*

Subsidiemogelijkheden

Een school kan per openstellingstermijn één aanvraag indienen. De aanvraag kan bestaan uit meerdere onderdelen van de regeling. Bijvoorbeeld voor extra les- en leesmateriaal, activiteiten rondom de Friese taal en cultuur en scholingskosten voor leerkrachten en docenten. De extra inzet van leerkrachten en docenten is bijvoorbeeld beschikbaar voor het ontwikkelen van lesmateriaal, het organiseren van activiteiten voor leesbevordering of netwerken met andere scholen. Het maximale subsidiebedrag verschilt per onderwijssector.

Samenwerking

Het project Taalplan Frysk 2030 werkt aan de kwaliteit van Fries onderwijs op alle scholen en alle onderwijsniveaus. De provincie zet zich hiervoor in met taal- en onderwijsinstellingen Afûk, Cedin, Fers, Keunstwurk, NHL Stenden Hogeschool, Omrop Fryslân, Onderwijsbureau Semko en Sintrum Frysktalige Berne-opfang (SFBO).

Meer informatie over de regeling is te vinden op: www.fryslan.frl/fryskfoarnoletter



PARSEBERJOCHT

Nûmer: 125 IH
Datum: 31 augustus 2021

€ 400.000 subsydzje beskikber foar Frysk ûnderwiis

Alle skoallen yn Fryslân kinne fan 13 septimber ôf wer in subsydzje oanfreegje foar it fersterkjen fan it Frysktalige ûnderwiis. Mei de regeling Frysk foar no en letter wol de provinsje Fryslân skoallen stypje by it fersterkjen fan de posysje fan it Frysk. Skoallen út alle ûnderwiissektoaren kinne in oanfraach dwaan. Der is û.o. subsydzje beskikber foar neiskoalling fan dosinten, it oanskaffen fan ekstra lesmateriaal en it ferfangen fan dosinten dy't in oplieding Frysk folgje. De subsydzjeregeling is ûnderdiel fan it projekt Taalplan Frysk 2030.

In oanfraach yntsjinje kin fan 13 septimber 2021 oant en mei 14 desimber 2021. Der is yn dy perioade € 400.000 foar de skoallen beskikber. Alle ûnderwiissektoaren komme yn oanmerking foar subsydzje: berne-opfanglokaasjes, primêr en fuortset ûnderwiis, mbû, hbû, wû en spesjaal ûnderwiis. Yn 2022 sil de regeling wer twa kear iepensteld wurde.

De regeling Frysk foar no en letter jout skoallen de mooglikheid om te wurkjen oan de kwaliteit fan it Frysk ûnderwiis. De regeling is foar dizze twadde iepenstelling op in oantal punten oanpast. Sa is der no mear romte foar skoallen om in oanfraach te dwaan foar ynset fan learkrêften en dosinten. Deputearre Sietske Poepjes: *“In protte skoallen binne al goed dwaande mei it Frysk. Us ambysje foar it Frysk yn it ûnderwiis yn 2030 freget ekstra ynset fan dosinten en skoallen. Dêr is no mear romte foar yn de subsydzjeregeling. Skoallen kinne, eventueel yn oerlis mei harren skoalstiper, in plan meitsje om te wurkjen oan de ambysjes foar Taalplan Frysk 2030. De regeling soarget foar ekstra middels om de plannen ek út te fieren.”*

Subsydzjemooglikheden

In skoalle kin eltse iepenstellingstermyn ien oanfraach yntsjinje. De oanfraach kin bestean út mear as ien ûnderdiel fan de regeling. Bygelyks foar ekstra les- en lêsmateriaal, aktiviteiten dy't te krijen ha mei de Fryske taal en kultuer en skoallingskosten foar learkrêften en dosinten. De ekstra ynset fan learkrêften en dosinten is bygelyks beskikber foar it ûntwikkeljen fan lesmateriaal, it organisearjen fan aktiviteiten foar lêsbefoarding of it netwurkjen mei oare skoallen. It maksimale subsydzjebedrach ferskilt nei ûnderwiis sektor.

Gearwurking

It projekt Taalplan Frysk 2030 wurket oan de kwaliteit fan Frysk ûnderwiis op alle skoallen en alle ûnderwiisnivo's. De provinsje set har dêrfoar yn mei taal- en ûnderwiisynstellingen Afûk, Cedin, Fers, Keunstwurk, NHL Stenden Hogeschool, Omrop Fryslân, ûnderwiisburo Semko en Sintrum Frysktalige Berne-opfang (SFBO).

Mear ynformaasje oer de regeling is te finen op: www.fryslan.fr/fryskfoarnoenletter